

ALBIN QUEIRARD

Pensado d'un jouvènt

ALBIN QUEIRARD
(1902-1924)

*Se dóu soulèu de la Prouvènço
Un rai
Jamai
T'a encluscla
Au sant alen de l'amo de Mistral
Dins tu leisso espeli la flour de remembranço.*

A. QUEIRARD.

Aquéli relicle d'un car ami, reculi de la man dóu felibre Gabrié Trotobas emé l'ajudo de si coulègo Marius Arra, Adrian Audibert e Faustin Barbaroux, soun dedica:

A sa maire, à soun paire, à sa sorre; à Francés Pelissier, à si mèstre; à si coumpan d'escolo; is enfant, sis elèvo; à touti aquéli que l'an ama e qu'èu amé.

G. T.

ALBIN QUEIRARD nasquè à Gounfaroun, Var, lou 30 de mars 1902. De l'Escolo superiouro de Lorgues, intrè, en ótobre 1918, lou proumié de sa proumoucioun à l'Escolo nourmalo de Draguignan, d'ounte sourtè toujours en tèsto, en juliet 1921.

Sièis mes fagué la classo i nistoun de Sanàri e de Sièis-Four.

En mai 1922 anè faire soun sort dins lou 23en regimen de tiraiaire argerin en òcupacioun en Renanio.

Nouvèmbe 1923 lou veguè de retour d'aquéu país de languimen d'ounte adusié, pèr tout bèn, qu'uno peremounié que se n'en relevè que plan-plan. Pièi gaiard e countènt rejougné soun nouvèu poste à Souliès-Pont.

Lou 29 de juliet 1924 desfuntavo à Touloun après uno ouperacioun...

Que soun amo se siègue enaurado dins la plus auto de tóuti lis estello.

G. T.